

Broj: 05-02-80-49/2022-9-1
Sarajevo, 01.11.2022. godine

Na osnovu člana 70. st. (1) i (3) Zakona o javnim nabavkama („Službeni glasnik BiH“, br. 39/14 i 59/22), a na prijedlog Komisije za javne nabavke, imenovane Rješenjem, broj: 05-30-81-R-18/2022 od 12.09.2022. godine, sekretar Vlade Federacije Bosne i Hercegovine, d o n o s i

O D L U K U
O IZBORU NAJPOVOLJNIJEG PONUĐAČA ZA JAVNU NABAVKU ROBA – NABAVKA
KOMPJUTERSKE OPREME I KANCELARIJSKIH MAŠINA ZA POTREBE GENERALNOG
SEKRETARIJATA VLADE FEDERACIJE BOSNE I HERCEGOVINE
(LOT 1 – NABAVKA ROBA – DESKTOP RAČUNARI I MONITORI)

I.

U cilju odabira najpovoljnijeg ponuđača, u provedenom postupku javne nabavke: Konkurentski zahtjev za dostavu ponuda za javnu nabavku roba – nabavka kompjuterske opreme i kancelarijskih mašina za potrebe Generalnog sekretarijata Vlade Federacije Bosne i Hercegovine (LOT 1 - desktop računari i monitori), evidencijski broj nabavke: 05-02-80-49/2022-1, broj Obavještenja o nabavci sa portala javnih nabavki: 854-7-1-101-3-17/22 od 14.09.2022. godine, kao najbolje ocijenjena prihvatljiva ponuda je ponuda ponuđača ALF-OM d.o.o. Banja Luka – P.J. Istočno Sarajevo, sa ukupnom cijenom ponude bez PDV-a, nakon provedene e-Aukcije, u iznosu **4.000,00 KM**.

II.

Ponuđač iz tačke I. ove odluke ocijenjen je kao najpovoljniji, jer ispunjava uslove postavljene Tenderskom dokumentacijom, a u skladu sa kriterijem za dodjelu ugovora (najniža cijena), nakon održane e-Aukcije, ponudio je najnižu cijenu.

III.

Za realizaciju ove odluke zadužuju se Sektor za pravne i opće poslove i Sektor za materijalno-finansijske poslove.

IV.

Ova odluka stupa na snagu danom donošenja i objavit će se na web stranici Vlade Federacije Bosne i Hercegovine-Generalnog sekretarijata Vlade Federacije Bosne i Hercegovine u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

O b r a z l o ž e n j e

Postupak nabavke pokrenut je Odlukom o pokretanju postupka javne nabavke, broj: 05-02-80-49/2022 od 12.09.2022. godine. Javna nabavka provedena je putem Konkurentskog zahtjeva za dostavu ponuda. Predmet nabavke podijeljen je na dva LOT-a, čija je ukupna procijenjena vrijednost nabavke iznosila 23.000,00 KM. Ukupna procijenjena vrijednost nabavke za LOT 1 iznosila je 4.500,00 KM bez PDV-a. Obavijest o nabavci poslana je na objavu 14.09.2022. godine, te je istog dana objavljena na portalu Javnih nabavki pod brojem: 854-7-1-101-3-17/22.

Tendersku dokumentaciju preuzelo je 26 (dvadesetšest) privrednih subjekata, a 3 (tri) ponuđača blagovremeno su dostavila ponude u predmetnom postupku nabavke za LOT 1. U skladu sa provedenim predmetnim postupkom javne nabavke, ponude za LOT 1 su dostavili sljedeći ponuđači: ALF-OM d.o.o. Banja Luka – P.J. Istočno Sarajevo, EMADO d.o.o. Sarajevo i TELNET d.o.o. Sarajevo.

Komisija za javne nabavke, imenovana Rješenjem, broj: 05-30-81-R-18/2022 od 12.09.2022. godine, izvršila je pregled i ocjenu ponuda, te konstatovala da su, od ukupno 3 (tri) dostavljene ponude, prihvatljive 2 (dvije) i to ponude ponuđača: ALF-OM d.o.o. Banja Luka – P.J. Istočno Sarajevo i TELNET d.o.o. Sarajevo, a da je 1 (jedna) neprihvatljiva i to ponuda ponuđača EMADO d.o.o. Sarajevo.

Ponuda ponuđača EMADO d.o.o. Sarajevo, odbačena je kao neprihvatljiva iz sljedećeg razloga: U Tenderskoj dokumentaciji, broj: 05-02-80-49/2022-1 od 14.09.2022. godine, u Aneksu 3 – Obrazac za cijenu ponude – robe (desktop računari i monitori), u rubrici Napomene uz Aneks 3, tačka 6. propisano je: Ponuđač je obavezan dostaviti i detaljnu tehničku dokumentaciju za ponuđenu robu iz koje se vidi proizvođač, model i detaljna tehnička specifikacija ponuđenih roba. Komisija je prilikom evaluacije Ponude konstatovala da je Ponuđač u Obrascu za cijenu ponude – robe (desktop računari i monitori) - Aneks 3, u rubrici *Naziv proizvođača* naveo naziv proizvođača, ali nije dostavio detaljnu tehničku dokumentaciju za ponuđenu robu iz koje se vidi proizvođač, model i detaljna tehnička specifikacija ponuđenih roba.

U skladu sa tačkom V. Odluke o pokretanju postupka javne nabavke, broj: 05-02-80-49/2022 od 12.09.2022. godine provedena je e-Aukcija dana 27.10.2022. godine, za LOT 1, sa početkom u 12.30 sati.

Nakon provedene e-Aukcije, Komisija je dostavila sekretaru Vlade Federacije Bosne i Hercegovine, Zapisnik o pregledu i ocjeni ponuda, broj: 05-02-80-49/2022-9 od 31.10.2022. godine i Preporuku o izboru najpovoljnijeg ponuđača ALF-OM d.o.o. Banja Luka – P.J. Istočno Sarajevo, sa registriranim sjedištem u Banjoj Luci, ID: 4400810890005 za predmetnu nabavku LOT 1.

U postupku donošenja ove odluke, posebno su cijene činjenice, da je Komisija pravilno i potpuno, izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz Tenderske dokumentacije, te da je izbor izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke svaki od ponuđača koji je učestvovao u postupku nabavke može izjaviti žalbu Uredu za razmatranje žalbi Bosne i Hercegovine putem ugovornog organa – Generalnog sekretarijata Vlade Federacije Bosne i Hercegovine, u pisanoj formi direktno, elektronskim putem ili preporučenom poštanskom pošiljkom, u roku od 5 (pet) dana od dana prijema ove odluke.

Dostaviti:

1. Svim ponuđačima u postupku
2. Komisiji za javne nabavke
3. Sektor za pravne i opće poslove
4. Sektor za materijalno-finansijske poslove

